

第六三〇冊

理學彙編

文學典

文學名家列傳

(卷)
二一〇三

古今圖書集成

中華書局影印

欽定古今圖書集成理學彙編文學典

第九十二卷目錄

文學名家列傳八十

明二

王冕

字元章 浙江 仁和人

戴良

王逢

字伯敬 吳縣人

趙璩

宋僖

字子敬 長安人

陳基

張文海

字子敬 長安人

徐尊生

傅恕

字子敬 長安人

烏斯道

傅著

字子敬 長安人

謝徵

朱右

字子敬 長安人

朱廉

王彝

字子敬 長安人

張孟兼

李澄

字子敬 長安人

李汶

張宣

字子敬 長安人

張簡

杜寅

字子敬 長安人

徐一夔

顧德輝

字子敬 長安人

貝瓊

趙搗謙

字子敬 長安人

趙敬

陶宗儀

字子敬 長安人

張憲

周砥

字子敬 長安人

高明

藍仁

字子敬 長安人

丁鶴年

袁凱

字子敬 長安人

高啓

唐肅

字子敬 長安人

宋克

余英臣

字子敬 長安人

呂敏

陳則

字子敬 長安人

楊基

張羽

字子敬 長安人

徐賁

王行

字子敬 長安人

孫作

孫實

字子敬 長安人

王佐

趙介

字子敬 長安人

王蒙

字子敬 長安人

詹同

字子敬 長安人

樂韶鳳

字子敬 長安人

李德

字子敬 長安人

郭傳

字子敬 長安人

陶凱

字子敬 長安人

文學典第九十二卷

文學名家列傳八十

明二

王冕

字元章 浙江 仁和人

按明外史本傳冕字元章諸暨人幼貧父使牧牛竊入學舍聽諸生誦書暮乃返忘其牛父怒撻之已而復然母曰兒癡如此曷不聽其所為冕因去依僧寺夜坐佛膝上映長明燈讀書會稽韓性聞而異之錄為弟子遂稱通儒性卒門人事冕如事性屢應舉不中棄去北遊燕都客祕書卿泰不花家擬以館職薦力辭曰不十年此中孤兔游矣何以仕為既歸每大言天下將亂攜妻孥隱九里山樹梅千株桃杏半之自號梅花屋主善畫梅求者踵至以幅長短為得米之差嘗做周官著書一卷曰吾未即死持此遇明主伊呂事業不難致也太祖下婺州物色得之置幕府授諮議參軍一夕病卒同時郭奎鍾炳皆早參戎幕以詩名奎字子章樂縣人從余闕學治經闕亟稱之太祖為吳國公來歸從事幕府朱文正開大都督府

於南昌命奎參其軍事奎正得罪奎坐沐柄字彥昂鄱陽人全山中從軍於湖太祖起淮南獻書言事出為中書典籤洪武初從事大都督府出為知縣閩兩

以病告歸人之卒
按列朝詩集冕字元章號煮石山農諸縣人本田家身長七尺餘儀觀甚偉通春秋諸傳一試進士舉不第即焚所為文讀古兵法著高懸帽披綠蓑衣履長齒木屐擊木劍或騎黃牛持漢書以誦人咸以為狂生嘗遊燕都泰不花薦以館職冕曰不滿十年此中孤兔遊矣何以祿為冕工於畫梅以懸脂作沒骨體長安貴人爭來求畫乃自畫一幅張壁間題其上曰冰花箇箇圓如玉羌笛吹他下下來或以為刺時欲執之即日遁歸攜妻孥隱於九里山結茅廬三間自題為梅花屋賦詩輒千百言鵬鸞海怒讀者毛髮為聳王師取婺州將攻越物色得冕幕府授諮議參軍一夕以病死宋景濂作王冕傳亟稱為奇士其大略如此福溪徐顯集傳曰歲己亥君方晝臥適外寇入君大呼我王元章也寇大驚重其名與至天章寺大帥置君上坐再拜請事君曰今四海鼎沸爾不能進安生民乃肆虜掠吾寧教汝與吾父兄子弟相賊殺乎汝不能聽我即速殺我我不與若更言也明且君疾遂不起葬山陰蘭亭之側保越錄曰冕見太祖於軍門陳攻取方略上大悅命軍前諮議大軍用冕計有石堰之敗頗咎冕以此疎之傳錄載冕軍前事多互異徐傳所云大帥者即胡越公也天下未定敵國指斥之詞流傳簡牘習其讀者或有考焉
按紹興府志王冕字元章諸暨人年八歲時父命牧

牛隴上竊入學舍聽諸生誦書聽已輒默記暮歸忘其牛父怒撻之已而復如初母曰兒癡如此曷不聽其所爲覓因去依僧寺以居夜潛出坐佛膝上執筆映長明燈讀之朗朗達旦佛像多停惡可怖覓小兒恬若不見安陽韓性聞而異之錄爲弟子學遂爲通儒性卒門人事覓如事性時覓父已卒即迎母入越城就養久之母思還故里覓買牛駕母車自被古冠服隨車後鄉里小兒競遮道誦笑覓亦笑著作郎李孝光數薦之當路欲署爲吏覓罵曰吾有田可耕有書可讀肯朝夕抱案庭下備隸使哉每居小樓客至僮人報命之登乃登部使者行郡坐馬上求覓拒之去去不百武覓倚樓長嘯使者聞之慚覓屢應進士舉不中歎曰此童子羞爲者吾可溺是哉竟棄去買舟下東吳渡大江入淮楚歷覽名山川或遇奇才俠客談古豪傑事即呼酒共飲慷慨悲吟人斥爲狂北遊大都館祕書卿秦不華家秦不華薦以館職覓曰公誠愚人哉不十年此中狐兔遊矣尚可言仕即日將南轅會其友武林盧生死濠陽唯兩幼女一童畱燕假無所依覓知之不遠千里走濠陽取生遺骨挈二女還生家覓既歸越復大言天下將亂時海內無事或斥覓爲妄覓曰妄人非我誰當爲妄哉乃攜妻孥隱於九里山種豆三畝業倍之植梅千樹桃李居其半芋一區薤韭各百本引水爲池種魚千餘頭結茅廬三間自題爲梅花屋嘗做周禮著書一卷坐臥自隨祕不令人見更深人寂輒挑燈朗誦既而撫卷曰吾未即死持此以遇明主伊呂事業豈難致哉當風日佳時操觚賦詩千百言不休皆鵬鸞海怒諠

者毛髮爲聳人至不爲賓主禮清談竟日不倦食至輒食亦不煩辭謝善書畫不減楊補之求者肩背相望以繪幅短長爲得米之差人議之覓曰吾藉之以養口體豈好爲人作畫師邪未幾汝顏兵起一如覓言明太祖既取婺州遣胡大海攻紹興屯兵九里居人傍徨奔避覓獨不動兵執之則曰我能爲若師出奇計乃與俱見大海告以攻城之策明太祖聞其人召與語頗合寘幕府授諮議參軍一夕病卒覓狀貌魁偉鬚髯磊落有大志不得少試以死宋太史濂曰予受學城南時見孟案言越有狂生當天大雪赤足上潛嶽峰四顧大呼曰遍天地間皆白玉合成使人心膽澄澈便欲仙去及入城戴大帽如篴穿曳地袍翩翩行兩袂軒翥譁笑溢市中予甚疑其人訪識者問之即覓也覓真怪民哉馬不羈駕不足以見其奇才覓亦類是矣

按巢縣志郭奎元明間人字子章游于青陽門遭亂親亡弟喪飄零江湖歷大江以西燕趙淮楚之墟歌咏勝蹟懷親愛國之心悲如也其中有天下十年非樂土江南萬姓望安居又有鄉夢有時逢骨肉此身何處托漁樵百年幾度逢重九四海何時是一家最爲凄切後仗劍從軍從事吳國公幕府辛丑歲皇姪朱文正開都督府節鎮洪都特以儒士選子章爲之輔佐參謀乙巳文正得罪以子章不諫阻逮誅

按列朝詩集炳字彥昂都陽人父斗鳳字友梧處集揭侯斯薦爲翰林應奉未上而卒彥昂在國初官中書典籤同郡許瑤撰澤存堂記云至正之季彥昂以義旅從軍於浙時政日乖其志莫遂迨龍飛江左以

獻書言事受知於上擢官清要輔政藩閫出宰百里兩考而歸以病告老宋景濂詩叙云彥昂奉命佐戎幕於閩別去十年重會秦淮上彥昂洪武已未弔余廷心墓文自稱大都督府掌記集載哀曹國公詩云三年奉記府龍鐘侍文墨又沐西平輓詩云十年參幕府慚愧簪纓客曹國公以洪武三年領大都督府事西平以四年同知大都督府蓋彥昂初任中書典籤而從事於都府也出宰未知何地汝南周象初詩集後序云先生職典籤草戎檄解銅墨以歸休乎田里洪武戊寅挾其所輶以來遂鏤梓以傳則洪武末彥昂尚在未知沒於何年彥昂詩集危素宋濂序之以爲兼謝康樂宋嘉州韋應物之長而駸駸進於漢魏楊維禎則愛其詩兼諸體特爲評點其推重之如此

戴良

按明外史本傳良字叔能浦江人通經史百家暨醫上釋老之說初習科舉業已棄去學古文於黃潛柳貫吳萊貫卒經紀其家歲戊戌太祖定金華良入謁語及時事太祖大悅命與胡翰等十二人會食省中日輪二人講經史陳治道明年用良爲學正與宋濂葉儀輩訓諸生太祖既旋師良忽棄官逸去辛丑元順帝用薦者言授良江北行省儒學提舉良見時事不可爲避地吳中依張士誠久之見士誠將敗挈家泛海抵登萊欲間行歸擴廓軍道梗寓昌樂數年洪武六年始南還變姓名隱四明山太祖物色得之十五年召至京師試以文命居會同館日給大官膳欲官之以老疾固辭忤旨明年四月暴卒蓋自裁也良

世居金華九靈山下自號九靈山人有文集三十卷
蘇伯衡贊其像曰其跋涉道途也類子房之報韓其
傍徨山澤也猶正則之自放蓋元亡後惟良與王達
不忘故主每形於歌詩而太祖終以良前事為嫌故
卒不獲其死云

按金華府志余闕持節過婺聞良善詩歌與論古今
作者詞旨優劣闕然曰士不知詩久矣微子吾不
敢相語乃盡授以平昔所得於師友者於是良之詩
名遂雄視東南結屋縣西日與同輩討論聖賢微旨
家事有無悉置不問親黨或勸以營產業為子孫計
良謝曰子孫貧富非吾所可知且家世業儒讀書之
外亦不能有他圖也

王達

按明外史戴良傳達字原吉江陰人至正中作河清
頌臺臣薦之稱疾辭張士誠據吳其弟士德用達策
北降於元以拒明太祖滅士誠欲辟用之堅臥不起
隱居上海之烏澠歌咏自適洪武十五年以文學徵
有司迫上道時子掖為通事司令以父年高叩頭泣
請乃命吏部待止之又六年卒年七十有梧溪詩集
七卷達自稱席帽山人

按江陰縣志達字原吉自號席帽山人其後避地松
之青龍江口以祖母徐手植雙梧於江陰橫河上不
忍忘自號梧溪子又移居橫河上隱為涇築草堂以
居自號最閒園丁初至正間江陰盜起攻陷城邑東
八鄉之民多脅從浙東帥觀孫克復欲屠之問故於
達達曰民非喜亂無父母耳觀孫悟一言而活生人
之命無算無錫民橫羅鋒刃掩其遺骸少作河清頌

金陵臺臣以茂才具等薦浙西分憲又以縣跡丘園
薦張士誠開藩辟為行元帥府經歷左丞王晟復舉
淮省都事丞相達識擬擢蕭山縣尹並辭明洪武中
以文學錄用所司敦迫上道子掖方任通事司令以
父老叩頭哀請乃諭吏部待止之嘗學詩於柯敬仲
所著有梧溪詩集行於世多亂離時忠孝節烈事可
稱詩史云

趙璠

按明外史本傳璠字伯友新喻人好學工屬文元至
正中舉於鄉為上猶教諭洪武二年太祖將修元史
論廷臣曰近克元都得其十三朝實錄國雖亡事當
紀載况史識成敗示勸懲不可廢也乃命左丞相李
善長為監修官前起居注宋濂漳州府通判王禕為
總裁官徵山林遺逸之士汪克寬胡翰宋禧閻凱陳
基曾魯高啓趙訪張文海徐尊生黃楚傳恕王綽傳
著謝微為纂修官而璠與焉以是年二月開局天界
寺取元經世大典諸書用資參考至八月成諸儒並
賜賚遣歸而順帝一朝史猶未備乃命儒士歐陽佑
等往北平采其遺事明年二月還朝詔重開史局仍
以宋濂王禕為總裁徵四方文學士十四人為纂修
璠復與焉十四人者璠及朱右具現朱廉王彝張益
兼高選志李懋李汶張宣張簡杜寅殷弼俞寅也先
後纂修三十人兩局並與者璠一人而已閏六月書
成諸儒多授官惟璠及朱右朱廉不受歸尋召修日
曆授翰林編修高麗遣使朝貢賜宴樂作使者以國
喪辭璠進曰小國之喪不廢大國之禮太祖甚悅命
與宋濂同職史館璠兄事之嘗奉詔撰甘露頌太祖

稱善出為靖江王府長史卒始與璠同纂修者汪克
寬陶凱曾魯高啓趙訪具現高選志並有傳

宋禧

按明外史趙璠傳禧字無逸餘姚人元繁昌教諭遭
亂歸史事竣命典福建鄉試

陳基

按明外史趙璠傳基字敬初臨海人少與兄聚受業
於義烏黃潛從潛游京師授經筵檢討嘗為人草諫
章力陳順帝竝后之失順帝知而怒欲罪之引避歸
里已奉母入吳教授自給江南用兵元開行樞密院
起基為都事轉江西行省郎中參張士信軍事自杭
赴吳復參太尉張士誠軍事士誠稱王基獨諫止欲
殺之未果已超授內史遷學士吳平召修元史賜金
而還洪武三年冬卒於常熟旅舍初士誠與太祖相
持基在其幕府書檄多指斥及吳亡吳臣多見誅基
獨免世所傳夷白集其指斥之文猶備列云

張文海

按明外史趙璠傳文海鄞人與同里傳恕並入史館

徐尊生

按明外史趙璠傳尊生字大年淳安人元史成受賜
歸復同修日曆後宋濂乞致仕太祖問誰可代者濂
以尊生對乃授翰林應奉文字草制悉稱旨尋以老
疾辭還

傳恕

按明外史趙璠傳恕字如心鄞人學通經史與同郡
烏斯道鄭真皆有文名洪武二年詣闕陳治道十二
策曰正朝廷重守令馭外蕃增祿秩均民田更法役

黜異端易服制興學校慎選舉罷權鹽停榷茶太祖嘉納遂命修元史事竣授博野知縣後坐累死

烏斯道

按明外史趙璠傳斯道字繼善慈谿人與兄本良俱有學行洪武中斯道被薦授石龍知縣調永新坐事謫役定遠放還卒斯道工古文兼精書法子緝亦善詩文洪武四年舉鄉試第一授臨淮教諭人見賜之宴賦詩稱旨除廣信教授自號榮陽外史

傅著

按明外史趙璠傳著字則明長洲人史成歸爲常熟教諭魏觀行鄉飲酒禮長洲教諭周敏侍其父南老著侍其父王皆降而北面立觀禮者以爲盛事焉歷官知府卒

謝徵

按明外史趙璠傳徵字元懿長洲人史成授翰林國史院編修尋擢吏部郎中力辭不拜歸後起國子助教卒徵博學工詩文與同邑高啓齊名弟恭字元功亦能詩

朱右

按明外史趙璠傳右字伯賢臨海人元末屢舉不就洪武初朱濂薦修元史史成辭歸已徵修日曆實訓授翰林編修遷督府右長史九年卒官

朱廉

按明外史趙璠傳廉字伯清義烏人幼力學淹通經傳長從黃潛學古文遂以文章名知府王宗顯辟教郡學李文忠鎮嚴州延爲釣臺書院山長洪武初元史成不受官歸尋徵修日曆除翰林編修八年扈駕

中都進詩十章太祖稱善爲和六章賜之已而授楚王經還楚府右長史久之辭疾歸廉好程朱之學嘗取朱子語類摘其精義名曰理學纂言

王彝

按明外史趙璠傳彝字常宗其先蜀人父爲崑山教授遂卜居嘉定少孤負讀書天台中師事王貞文得蘭谿金履祥之傳學有端緒嘗著論力詆楊維禎目爲文妖元史成賜銀幣還又以薦入翰林母老乞歸坐知府魏觀事與高啓俱被殺

按蘇州府志王彝自號嫺雄子有三近齋稿

張孟兼

按明外史趙璠傳孟兼浦江人名丁以字行史成授國子學錄歷禮部主事太常司丞自負能文奴視儕輩劉基嘗爲太祖言今天下文章宋濂第一其次即臣基又次即孟兼太祖欲用趙僧願登問濂嘗嘗坐累論作已復官太祖欲用趙僧願登問濂嘗見其文否濂言孟兼有其文太祖召孟兼以願證文進太祖顧孟兼謂濂曰卿門人邪濂對非門人乃邑子也其爲文有才臣劉基嘗稱之太祖熟視孟兼曰生骨相薄仕宦徐徐乃可耳未幾用爲山西倉事廉勤疾惡糾摘奸猾令相牽引每事輒株連數十人吏民聞張倉事行部凜然墮膽聲聞於朝擢山東副使布政使吳印者僧也太祖驟貴之寵眷甚孟兼易之印謁孟兼由中門入孟兼謂已憲司印不當入中門名守卒予杖已又以他事與相柱太祖先入印言逮咎孟兼孟兼憤捕爲印書奏者欲論以罪印復上書言狀太祖大怒曰豎儒與我抗耶械至闕下命衛士

粹髮毆垂死棄市

李澄

按明外史趙璠傳顯證者會稽人李姓爲僧好儒學善古文擢應奉翰林文字賜名澄居數月卒官

李汶

按明外史趙璠傳汶字宗茂當塗人博學多才史成除巴東知縣移南和晚年歸里以經學訓後進

張宣

按明外史趙璠傳宣字藻重江陰人洪武初以考禮徵尋預修元史太祖親書其名各對殿廷即日授翰林編修呼爲張家小秀才奉詔歸娶年已三十矣六年坐事謫徙濠梁道卒

張簡

按明外史趙璠傳簡字仲簡吳縣人初師張雨爲道士隱居鴻山元季兵亂以母老歸養遂返儒服洪武三年薦修元史當元季浙東西士大夫以文墨相尙每歲必聯詩社聘一二文章鉅公若楊維禎輩主之四方名士畢至譙賞窮日夜詩勝者輒有厚贈臨川饒介爲元淮南行省參政居吳中風流好客豪於詩自號醉樵嘗大集諸名士賦醉樵歌簡詩第一贈黃金一餅高啓次之得白金三斤楊基又次之猶贈一鎰一時文會之盛唐宋以來未有也

杜寅

按明外史趙璠傳寅字彥正吳縣人史成官岐寧衛知事洪武八年番賊既降復叛寅與經歷熊鼎俱被害

徐一夔

按明外史本傳一夔字大章天台人工文與義烏王
韓善洪武二年八月詔纂修禮書一夔及儒士梁寅
劉子曾魯周子諒胡行簡劉宗弼董彝蔡深滕公瑛
竝與焉明年書成將續修元史韓方為總裁官以一
夔薦一夔遺書曰通者縣吏傳命言朝廷以續修元
史見徵且云執事謂僕善叙事薦之當路私心竊怪
執事何憐憐于不材多病之人也僕素謂執事知我
今自審終不能副執事之望何也近世論史者莫過
于日曆日曆者史之根柢也自唐長壽中史官姚璹
奏請撰時政記元和中韋執誼又奏撰日曆日曆以
事繫日以日繫月以月繫時以時繫年猶有春秋遺
意至於起居注之說亦專以甲子起例蓋紀事之法
無踰此也往宋極重史事日曆之修諸司必關白如
詔誥則三省必書兵機邊務則樞司必報百官之進
退刑賞之予奪臺諫之論列給舍之繳駁經筵之論
答臣僚之轉對待從之直前啓事中外之囊封匭奏
下至錢穀甲兵獄訟造作凡有關於政體者無不隨日
以錄猶患其出於吏牘或有訛失故歐陽修奏請宰
相監修者於歲終檢點修撰官日所錄事有失職者
罰之如此則日曆不至訛矣他時會要之修取於此
實錄之修取於此百年之後紀志列傳取於此此宋
氏之史所以為精確也元朝則不然不置日曆不置
起居注獨中書置時政科遣一文學操筆之以事付
史館及一帝崩則國史院據所付修實錄而已其於
史事固甚疎略幸而天曆間虞集做六典法纂經世
大典一代典章文物粗備是以前局之史既有十三
朝實錄又有此書可以參稽而一時纂修諸公如胡

仲申陶中立趙伯友趙子常徐大年輩皆有史才史
學屢而成書至若順帝三十六年之事既無實錄可
據又無參稽之書惟憑臆訪以足成之竊恐事未必
數也言未必馴也首尾未必貫也而向之數公或
受官或還山復各散去乃欲以不材多病如僕者承
之於後僕雖欲仰副執事之望曷以哉舟至嘉興驛
足疾大作不能前謹奉狀左右乞賜矜察一夔遂不
至未幾用薦署杭州教授召修大明日曆書成將授
翰林院官又以足疾辭賜文綺遣還

按翦勝野聞太祖多疑每慮人侮己杭州儒學教授
徐一夔書作賀表上其詞有云光天之下又云天生
聖人為世作則帝覽之大怒曰腐儒乃如是侮朕耶
生者僧也以我從釋氏也光則摩頂之謂矣則字近
賊罪坐不敬命收斬之禮臣大懼因上請曰愚情不
知忌諱乞降表式永為遵守帝因自為文傳布天下

顧德輝

按明外史本傳德輝字仲瑛崑山人家世素封輕財
結客豪宕自喜年三十始折節讀書購古書名畫彝
鼎秘玩築別業於茜巷西曰玉山佳處晨夕與客置
酒賦詩其中四方文學士河東張翥會稽楊維禎天
台柯九思永嘉李孝光方外士張雨于彥成琦元瑛
輩咸主其家園池亭榭之盛圖史之富暨餽館聲技
竝冠絕一時而德輝才情妙麗與諸名士亦略相當
嘗舉茂才授會稽教諭辟行省屬官皆不就張士誠
據吳欲強以官去隱於嘉興之合溪尋以子元臣為
元水軍副都萬戶封德輝武略將軍飛騎尉錢塘縣
男母喪歸綽溪士誠再辟之遂斷髮廬墓自號金粟

道人及吳平父子竝徙濠梁洪武二年卒
按蘇談顧阿瑛在元末為崑山大家其亭館蓋有三
十六處每處皆有春帖一對阿瑛手題也記必名公
詩必才士雖篆隸二三字亦必選當代之筆當時如
楊廉夫鄭明德張伯雨倪元鎮皆其往還客也尤密
者為泰約于立釋良琦有二妓曰小瓊花南枝秀每
會必在焉阿瑛好事而能文其所作雖不逮諸客而
辭語流麗亦時動人故在當時得以周旋騷壇之上
者則亦非獨以財故也後阿瑛遭亂財盡散去遂削
髮為在家僧

貝瓊

按明外史本傳瓊字廷琚一名闕字廷臣崇德人性
坦率篤志好學年四十八始領鄉薦張士誠據平江
屢徵不就洪武初聘修元史既成受賜歸六年以儒
士舉至京師除國子助教太祖嘗坐奉天殿召瓊及
諸助教趙俶錢宰鄭濤等論曰汝一以孔子所定書
訓課諸生若蘇秦張儀由戰國尚詐故得行其說慎
勿以為教瓊等頓首受命瓊嘗慨古樂不作為大部
賦以見志宋濂之為司業也建議立四學並祀舜禹
湯文為先聖太祖既細其說復復為釋奠解駁之議
者多是瓊議九年以本官改中都國子監教勸臣子
弟瓊學行素優雖將校武夫皆知禮重十一年致仕
歸未幾卒子嗣子季翔官楚府紀善亦能詩

趙搗謙

按明外史本傳搗謙名古則更名謙餘姚人幼孤貧
寄食山寺長游四方人有一善一能輒往訪隆寒澣
暑恆徒步走百餘里與朱右謝肅徐一夔輩定文字

趙搗謙 吳志澤 朱希

交天台鄭四表善易則從之受易定海樂良鄭鄭真明春秋山陰趙叔長於說詩迂兩善樂府廣陵張昱工歌詩無爲吳志淳華亭朱芾工草書篆隸擅諫悉與爲友博究六經百氏之學尤精六書作六書本義復作聲音文字通時目爲考古先生洪武十二年命詞臣修正韻攝年二十有八應聘入京師授中都國子監典簿久之以薦召爲瓊山縣學教諭二十八年卒於番禺其後門人柴欽字廣敬以庶吉士與修永樂大典進言其師所撰聲音文字通當采錄遂奉命馳傳卽其家取之樂良字季本迂兩字士森趙叔字本初洪武中官國子監博士以年老乞歸加翰林待制張昱字光弼廬陵人仕元爲江浙行省左右司員外郎行樞密院判官留居西湖壽安坊貧無以葺廬凌雲翰爲疏募焉酒間爲瞿佑誦所作詩笑曰我死埋骨湖上題曰詩人張員外墓足矣營生壙於赤岸曰樂丘太祖徵至京憫其老曰可開矣厚賜遣還乃自號可開老人年八十三卒吳志淳字主一元末知靖安都昌二縣奏除待制翰林爲權倖所阻避兵於鄧朱芾字孟辨洪武初官編修改中書舍人

按紹興府志謙餘姚人初名古則幼孤貧寄食從山寺與學佛徒同學書克己復禮之目爲用工準的聞金華鄭四表學有根源往師之得其傳歸隱陽山萬書閣潛心大業饑寒迫之其容晏如也明初徵修正韻稍試其學尋罷歸築考古臺述六書之旨著聲音文字通及易學提綱諸書凡三百餘卷大臣有薦謙者上曰吾欲老其才而用之後召爲瓊山教諭明年進所著書詔翰林博議不報復還瓊山作瓊臺布學

範教化大行嶺表以南稱爲趙夫子初謙之來京師學士宋濂遣子仲珩受業謙歸之明年仲珩校正韻多采謙說謙於世利澹然真義所在目無王公然終以此厄窮無悔卒於番禺年四十五

按寧波府志良字仲本少有大志究心聖賢之學祖大原積書數千卷曰吾子孫必有能讀之者良生果能讀其書自六經千史百家之言靡不淹貫師事程端禮端禮以老友呼之至正間以賢良徵至京與黃文獻潛王忠文韓揭文昌侯斯遊講明道術相得權甚時公卿大人咸器重之良見元政不綱歸隱於大決小決之間築室其上與從弟平江學正衍永嘉丞復讀書其中以山水自娛忠文贈之以言見其集中洪武初辟爲定海學教諭循循善誘課試有方當時英俊張信陳韶輩咸出其門又善屬文一時碑碣銘記多其所作

按紹興府志倣字本初山陰人宋宗室也八歲能詩文指物輒賦稍長博涉經史爲文逼秦漢賦尤擅美部使者河中何約按部至越倣時爲諸生延見之從容問諸史倣能詳其上下三千年君臣行事下至外國山川形勝如其身所履者約歎曰窮年讀史不如聽趙生談也尋登進士時方右武儒者絀不用倣遂隱居明初徵拜國子助教是時典成均者皆極殊選而倣與蘇伯衡爲冠弁云

按列朝詩集昱字光弼廬陵人早游湖海爲虞集張翥所知楊左丞鎮江浙用才略參謀軍府事遷杭省左右司員外郎行樞密院判官天下用兵藩府官多侵官怙勢光弼詩酒自娛超然物表左丞死棄官不

出張氏禮致不屈策其必敗題蕉葉以寓志居西湖壽安坊今之花市也貧無以葺廬凌彥紳爲疏募焉酒間爲瞿宗吉誦歌風臺詩以界尺擊案淵淵作金石聲笑曰我死埋骨湖上題曰詩人張員外墓足矣太祖徵至京深見溫接憫其老曰可開矣厚賜遣還因自號可開老人徜徉湖山間至年八十三而終

按列朝詩集志淳字主一以字行無爲州人以父陰歷官靖安都昌二縣簿濠泗兵起徙家豫章徙居鄧之東湖奏除待制翰林爲權倖所阻入國朝遂不仕主一工古隸學孫叔敖碑劉仁本贈隸書吳判簿云草隸競推吳太史以其先官縣簿後除待制也

按松江府志芾字孟辨華亭人自號滄洲生少從楊鐵崖游才思飄逸工詞章兼善翰墨真草篆隸清潤遒勁風度不凡明太祖御製集有和朱孟辨落花詩

陶宗儀

按明外史本傳宗儀字九成黃巖人父煜元福建江西行樞密院都事宗儀少試有司一不中卽棄去務古學無所不窺出游浙東西師事張蒼李孝光杜本爲詩文咸有程度尤刻志字學習舅氏趙雍篆法甚工家貧教授松江自給浙師泰不華南臺御史丑鹽舉爲行人又辟爲教官皆不就張士誠據吳署爲軍諮亦不赴洪武四年詔徵天下儒士六年命有司舉人才皆及宗儀引疾不赴晚歲有司聘爲教官非其志也二十九年率諸生赴禮部試讀大誥賜鈔歸久之卒初宗儀客松江躬親稼穡作勞之暇休於樹陰有所得摘葉書之貯一破盎去則埋之樹根如是十年積盎以十數一日令門人發而錄之得三十卷各

曰輟耕錄又聳說郭書史會要四書備遺竝傳於世元末文人最盛其時以詞學知名者又有張憲周砥高明藍仁之屬

張憲

按明外史陶宗儀傳憲字思廉山陰人學詩於楊維禎最爲所許負才不羈嘗走京師恣言天下事衆駭其狂還入富春山混緇流以自放一日升高望遠呼所親語曰禍至矣亟去三日而寇至死者五百家後仕張士誠爲其樞密院都事吳平變姓名寄食杭州報國寺而歿

按列朝詩集憲字思廉山陰人負才不羈薄游四方誓不娶不歸鄉里嘗走京師創言天下事衆駭其狂還入富春山中混緇黃以自放一日升高望遠呼所親曰亟去三日而逃寇猝入兵死五百餘家始悔不用生言淮張據吳禮致爲樞密院都事吳亡變姓名走杭州寄食報國寺旦暮手一編人不得覓死後視之其平生所作詩也楊廉夫曰吾用三體詠史古樂府不易到吾門惟張憲能之又曰吾鐵門稱能詩者南北凡百餘人求其似憲及吳下袁華輩者不能十人

周砥

按明外史陶宗儀傳砥字履道吳人僑無錫博學工文詞與宜興馬治善遭亂往客治鄉治爲具舟車盡窮陽羨山溪之勝其鄉多富人與治善者咸置酒招砥砥心厭之一日貽書別治夜半遁去歸吳與高啓楊基諸人游書畫益工去游會稽歿於兵治字孝常亦能詩洪武時爲內丘知縣終建昌知府

高明

按明外史陶宗儀傳明字則誠永嘉人第至正五年進士授處州錄事辟行省掾方谷真叛省臣以明諳海濱事擇以自從與論事不合及真谷就撫欲留置幕下即日解官旅寓鄞之樸社太祖聞其姓名之以老疾辭還卒於家

按寧波府志明字則誠溫州瑞安人少以博學稱常云人不明一經取第雖博奚爲乃以春秋登至正乙酉第授處州錄事有能聲後改調浙東闔幕都事四明獄囚多冤明平反允當人稱神明轉江南行臺掾數忤權勢又轉福建行省都事道經慶元方國珍強畱置幕下不從旅寓鄞之樸社沈氏以詞曲自娛因感劉後村死後是非誰管得滿村爭唱蔡中郎之句乃作琵琶記傳於世太祖御極聞其姓名之以疾辭使者以琵琶記上覽畢曰五經四書在民間警之五穀不可無此記乃珍羞之屬俎豆間亦不可少也後抱病還鄉卒於海寧

藍仁

按明外史陶宗儀傳仁字靜之弟智字明之崇安人元時清江杜本隱武夷崇尚古學仁兄弟俱往師之授以四明任士林詩法遂謝利舉一意爲詩後辟武夷書院山長遷邵武尉不赴國初內附例徙漳梁數月放歸以老壽終智洪武十年被薦起家廣西食事著廉聲

丁鶴年

按明外史本傳鶴年回回人曾祖阿老丁與弟烏馬兒皆巨商元世祖征西域軍乏饒老丁杖策軍門盡

以賞獻遂令從征徇下西北諸國及論功以年老不願仕賜田宅京師奉朝請烏馬兒累官甘肅行省左丞父職馬祿丁以世蔭爲武昌縣達魯花赤有惠政解官畱葬其地至正壬辰武昌被兵鶴年年十八奉母走鎮江母歿鹽酪不入口者五年復避地四明方谷真據浙東最忌邑目人鶴年轉徙逃匿爲童子師或寄僧舍賣漿自給越十載海內大定牒請還武昌而生母已道阻前死瘞東村廢宅中慟哭行求母告以夢乃嚙血沁骨斂而葬焉烏斯道爲作丁孝子傳鶴年自以家世仕元不忘故國順帝北遁後飲泣賦詩情詞悽惻晚學浮屠法廬居父墓以求樂中卒鶴年好學洽聞精詩律楚昭莊二王咸禮敬之正統中憲王刻其遺文行世

按仰山陸錄洪武初詩人丁鶴年西域人也常卜日葬其父霖雨十日不止鶴年仰天悲泣翼日雨止葬畢雨如初時兵亂後失母墓所在悲慕深切夜夢母告以葬所鄰翁韓重者亦夢焉即其地求而得之見母屍正中一齒如漆復嚙指滴血試之良驗遂改附父墳其誠感如此人呼丁孝子善吟詩有集行於世

袁凱

按明外史本傳凱字景文松江華亭人元末爲府吏博學有才辨議論颺發往往屈座人洪武三年薦授御史武臣恃功驕恣得罪者漸衆凱上言諸將習兵事恐未悉君臣禮請於都督府延通今博古之士令諸武臣赴都堂聽講庶得保族全身之道帝敕臺省延名士直午門爲諸將說書後帝慮四畢命凱送皇太子覆訊多所矜減凱還報帝問朕與太子孰是凱

頓首言陛下法之正東宮心之慈帝以凱老猾持兩端銜之凱懼託瘋疾告歸帝遣人密詞之以伴狂免久之以壽終凱工詩有盛名性恢諧自號海叟背戴烏巾倒騎黑牛游行九峰間好事者至繪為圖初在楊維禎座客出所賦白燕詩凱微笑別作一篇以獻維禎大驚賞徧示座客人遂呼袁白燕云

按列朝詩集凱字景文華亭人自號海叟父可潛以詩鳴淞中凱少孤力學少以白燕詩得名人呼為袁白燕洪武間為御史上慮囚畢命凱送東宮覆審東宮遞減之凱還報上問朕與東宮孰是凱頓首曰陛下法之正東宮心之慈上不憚而罷以為持兩端心術之凱惶懼託瘋疾辭歸上使人詞之伴狂得免生平負權譎有才辨雅善戲謔卒以自免於難歸田後每背戴方巾倒騎烏犍往來峰澗間好事者圖以入畫楊鐵崖改過齋記曰至正九年予游淞邢臺張叔溫攜數客來見中一人昂然長耀然清言議英發可畏問為誰則曰袁景文氏也王叔明秋山讀書圖題云景文袁先生以布衣拜御史數月謝政歸讀書淞水之陽九峰山中悠然有出塵之趣黃鶴山人王蒙為寫其逸態云海叟集四卷叟手自編定弘治中陸深子淵購得京師寫本力為表揚盛行於世李獻吉曰海叟師法子美集中詩白燕最下最傳諸高者顧不傳何仲默曰我朝諸名家集多不稱鄙意獨海叟較長叟歌行法杜古作不盡是要其取法必自漢魏以來程孟陽曰海叟詩氣骨高妙天然去雕飾天容道貌即之冷然古意二十首高古激越雄視一代七言古詩筆力豪宕渺不如意七言律詩自宋元來學

杜末有如叟之自然者野逸元澹疎蕩傲兀往往得老杜與會空同諸公全不悟此七言絕句似乎率易似古樂府亦是老杜法脈

按金臺紀聞袁凱字景文別號海叟有海叟集行於世國初人之冠冕吾鄉人仕為御史太祖高皇帝嘗欲戮一人皇太子懇釋之召凱問曰朕欲刑之而東宮欲釋之孰是凱對曰陛下下刑之者法之正東宮釋之者心之慈太祖怒以為凱持兩端下之獄凱下獄三日不食太祖遣人勸之食已而宥之每臨朝見凱嘗曰是持兩端者凱一日趨朝過金水橋詭得風疾仆不起太祖曰風疾當不仁命以木鑽鑽之凱忍死不為動以為鑽耳不才放歸田里凱歸以鐵索鎖項自毀形骸太祖每念之曰東海走却大鰻鱧何處尋得遣使即其家起為本郡儒學教授鄉飲為大賓凱瞠目執視使者唱月兒高一曲使者復命以為凱誠風矣遂置之間之都主事元敬穆余少聞故老談景文既以疾歸使家人以炒麪攪沙糖從竹筒出之狀類豬犬下潛布於離根水涯景文匍匐往取食之太祖使人覘知以為食不潔矣豈所謂自免於禍者耶按南濠詩話袁景文初甚貧嘗館授一富家景文性疎放師道頗不立未幾辭歸其家別延陳文東壁文東懲景文故待弟子甚嚴一日景文來訪文東適出因大書其案曰去年先生座特己今年先生罔談彼若無幾個始制文如何教得猶子比亦可謂善謹已

高啓

按明外史本傳啓字季迪長洲人博學工詩家北郭與王行比鄰其後徐賁高遜志唐肅宋克余堯臣張

羽呂敏陳則皆卜居與相近號北郭十友又能詩號十才子張士誠據吳名士響集啓獨依外家居吳淞之青丘饒介之丁仲容素以詩自榮見啓詩驚異禮為上客啓謝去仍隱青丘自號青丘子洪武初被薦偕同縣謝徵召修元史授翰林院國史編修官復命教授諸王三年秋帝御闕樓啓徵俱入對擢啓戶部右侍郎徵吏部郎中啓自陳年少不敢當重任徵亦固辭乃見許已並賜白金放還啓嘗賦詩有所諷刺帝嫌之未發也及歸居青丘授書自給知府魏觀為移其家入郡旦夕延見甚歡觀以改修府治獲譴帝見啓所作上梁文因發怒腰斬於市年三十九明初吳下多詩人啓與楊基張羽徐賁稱四傑以配唐王楊盧駱云

按列朝詩集季迪身長七尺有文武才無書不讀而尤遠於羣史其詩有鳳臺吹臺江館青丘南樓槎軒姑蘇雜味諸集文曰鳬藻詞曰扣舷鳳臺集則洪武初為史官時作也詩凡二千餘篇自選得缶鳴集十二卷九百餘首季迪沒無後其妻周氏藏弄其遺稿授其姪立永樂元年鑄版行世景泰中徐庸為理會梓為大全集王子充曰季迪之詩雋逸而清麗如秋空飛隼盤旋百折招之不肯下又如碧水芙蓉不假雕飾儵然塵外謝徵曰季迪之詩緣情隨事因物賦形橫從百出開合變化其體製雅醇則冠裳委蛇佩玉而長裾也其思致清遠則秋空素鶴迴翔欲下而輕雲霽月之連娟也其文采綉麗如春花翹英蜀錦新濯其才氣俊逸如秦華秋隼之孤鶩昆侖八駿追風蹶電而馳也李東陽曰國初稱高楊張徐高才力

聲調過三人遠甚百餘年來亦未見有卓然過之者

唐肅之序

按明外史高啓傳肅字處敬越州山陰人通經史兼習陰陽醫卜書數少與上虞謝肅齊名稱會稽二肅至正壬寅舉鄉試仕張士誠爲杭州黃岡書院山長遷嘉興路儒學正士誠敗例赴京尋以父喪還洪武三年用薦召修禮樂書擢應奉翰林文字其秋科舉行爲分考官免歸六年謫佃濠梁卒子之淳字愚士朱濂亟稱之建文二年用方孝孺薦擢翰林侍讀與孝孺共領修書事卒於官謝肅官至福建僉事坐事死

按剪勝野聞翰林應奉唐肅初以失朝坐死官歸鄉里太祖重其才再召入嘗命侍膳食訖拱筵致恭帝問曰此何禮也肅對曰臣少習俗禮帝怒曰俗禮可施之天子乎罪坐不赦謫戍濠州

太祖之封十王也親草冊文適李韓公北征唐之淳在軍中會爲草露布帝讀其文嘉之問草者爲誰韓公以之淳對帝令飛騎召之使者不喻旨械繫之淳之淳以父肅得罪懷不自保至京師過其姑之門告使者止索其姑出泣曰善爲我斂屍姑乃大慟之行次東華門已閉守者曰有旨令以布裹從屋上遞入鼎鼎傳易數遞始至便殿膏燈燿燿帝坐閱書之淳俯首庭下帝問曰是汝草露布耶之淳對曰臣昧死草之良久中侍以短几置之淳前列燭帝令膝坐以封王冊文一篇授之曰少爲弘潤之之淳叩首曰臣萬死不敢當帝曰即不敢姑旁注之之淳如命帝令中侍續續報定畢乃上之遙望燭影下帝微微笑

次第下凡十篇悉定之每奏輒嘉悅奏畢時夜未央帝令明日朝謁復如故出至姑家姑尚守門見之淳相慶幸具酒食沐具及旦庭謁帝問曰汝世宦否對曰臣父翰林應奉唐肅即日命嗣父官

按浙江通志之淳字愚士以字行山陰人父肅國初應奉翰林文字有名愚士少有奇志力學不倦父謫死臨濠辛勤扶喪歸葬追求其生所作不憚荒遠時時伏讀凄切人爲之掩泣洪武中屢有薦之者謝不就歲辛巳詔翰林詞臣集經史中數千載事爲書以考治亂以爲鑑戒命舉文學之士方孝孺以愚士薦召拜翰林侍讀與孝孺俱領修書事未幾卒所著有萍居稿文斷諸書

宋克 宋廣

按明外史高啓傳克字仲溫長洲人倬軀幹博涉書史少任俠好擊劍走馬家素饒結客飲博盡喪其貲迨壯謝酒徒學兵法周流無所遇歸家益以氣自豪張士誠欲羅致之不就性抗直與人議論期必勝援古切今人莫能難也杜門染翰日費十紙遂以善書名天下時有宋廣字昌裔亦善草書遂稱二宋洪武初克仕鳳翔同知卒

余堯臣

按明外史高啓傳堯臣字唐卿永嘉人客越州張士誠參政呂珍羅致幕下已入吳爲士誠客城破例徙濠梁洪武二年放還授新鄭丞

按列朝詩集堯臣字唐卿永嘉人早以文學著客居會稽越鎮帥院判遇善卿參政呂珍羅致幕下與有保越之功薦剡交上無意仕進於越之桐桂里治園

結茅署曰菜蕘已而入吳居北郭與高啓張羽爲北郭十友即所謂十才子也啓送唐肅序曰余世居吳北郭同里交善者惟王止仲一人十餘年來徐幼文自毗陵高士敏自河南唐處敬自會稽余唐卿自永嘉張來儀自潯陽各以故來居吳而皆與余鄰於是北郭之文物遂盛矣羽續懷友詩序曰予在吳城園中與余唐卿諸君游皆落魄不任事故得連遭詩酒吳亡之後與楊基徐賁同被徵謫濠洪武二年方還授新鄭丞此見於高啓會詩者也曰司馬又曰左司必東越鎮將版授之職銜而今不可考矣

呂敏

按明外史高啓傳敏字志學無錫人元時爲道士洪武初官無錫教諭十三年舉人才不知其官所終

陳則

按明外史高啓傳則字文度崑山人洪武六年舉秀才授應天府治中俄擢戶部侍郎以閹實戶口出爲大同府同知進知府

按蘇州府志則字文度崑山人家貧力學做屋授徒以師範聞於鄉里工詩與高楊張徐輩倡和北郭十友之一也嘗賦紫菊云惟有魏花顏色似春風秋露不相同一時傳誦以陳紫菊呼之洪武七年由秀才舉任應天府治中轉戶部侍郎所著詩散佚僅存百篇

楊基

按明外史本傳基字孟載其先蜀嘉州人祖官吳中生基遂家焉九歲背誦六經及長著書十萬餘言名曰論鑒試禮部不利遭亂隱吳之赤山張士誠辟爲

丞相府記室未幾辭去客饒介所明師下平江基以饒氏客安置臨濠旋徙河南洪武二年放歸尋起為榮陽知縣謫居鍾離被薦為江西行省幕官以省臣得罪落職六年起官奉使湖廣召還授兵部員外郎遷山西副使進按察使被讒奪官謫論作竟卒於工所初會稽楊維禎客吳中以詩自豪基座上賦鐵笛歌維禎驚喜與俱東語從游者曰吾在吳又得一鐵矣若曹就之學優於老鐵學也

張羽

按明外史本傳羽字來儀後以字行更字附鳳本潯陽人從父宦江浙兵阻不獲歸與友徐賁約卜居吳興領鄉薦為安定書院山長再徙於吳興高啓楊基輩為詩友洪武四年徵至京師應對不稱旨放還再徵授太常司丞太祖重其文十六年自述滁陽王事命羽撰廟碑尋坐事竄嶺南未半道召還羽自知不免投龍江以死羽文章精潔有法尤長於詩作書師小米

按列朝詩集羽字來儀以字行更字附鳳潯陽人既壯從其父宦游江浙踰潮受易於山陰夏仲善為文學歐陽子縝密宛轉雖前輩自謂不及也兵阻不得歸因僑居武林來吳喜吳興山水與徐賁約卜家於戴山之東元末授安定書院山長國初舉賢良不出徵起廷對稱旨擢太常司丞兼翰林院同掌文淵閣事十六年上親蒞滁陽王事實命來儀撰廟碑當時以大制作推任如此以事竄嶺南未半道召還抵京信宿知不免自投龍江以死年五十三時十八年之六月也歸葬九里岡儒學教授金華童冀為銘有辭

居集六卷吳人張習曰國初以高楊張徐比唐之四傑故老言不惟文才之似而其攸終亦不相遠眉菴盈川令終如一太史之斃同乎賓王北郭雖不溺海僅全要領而非首丘先生投龍江又與熙熙無異噫亦異矣程孟陽曰靜居五言古詩學杜學韋各有神理非苟然者樂府歌行材力馳騁音節諧暢不襲宋元格調眉菴樂府尚多套數語不若靜居才力深渾有自得處七言律詩清圓渾脫不事網羅全是唐音頤頤高楊未知前後或謂楊不如高又謂張徐不及高楊皆耳食之論也

徐賁

按明外史本傳賁字幼文其先蜀人徙常州再徙平江工詩善畫山水張士誠辟為屬已謝去居湖州蜀山吳平謫徙臨濠洪武七年被薦至京九年春奉使晉冀有所廉訪暨還檢其囊惟紀行詩數首太祖悅授給事中改御史巡按廣東又改刑部主事遷廣西參議以政績卓異擢河南左布政使大軍征洮岷道其境坐犒勞不時下獄瘐死

按列朝詩集賁字幼文其先蜀人由毗陵徙居吳家城北望齊門外時稱十才子幼文其一也工詩善畫山水淮張開闢辟為屬與張羽俱避去之吳興張居善山徐居蜀山甲辰九月建蜀山精舍丙午吳城解圍後復隱於蜀山洪武七年用薦起家丙辰二月遣廉訪晉冀備其囊惟紀行詩數首授給事中改監察御史出按廣東改刑部主事陞廣西參政河南左布政使大將軍兵出洮岷往返中原訴所司缺犒勞上以賁迂疎儒者不即誅下獄死詩名北郭集成化中

吳人張習編次習後錄云幼文以丙辰起家其卒以癸酉七月余考洪武六年癸丑幼文與呂志學宿蜀山書舍為志敏作書次年甲寅衍師過佛慧精舍題此書云幼文仕於朝季迪已入鬼錄則幼文以甲寅入朝非丙辰也庚申七月志學題幼文書云幼文已矣而書獨存則幼文之死獄當在己未庚申間非癸酉也習云先生履歷述諸故老所談故其紀年舛誤如此

王行

按明外史本傳行字止仲吳縣人幼隨父依賣藥徐翁家徐媼好聽稗官小說行日記數本為媼誦之媼喜言於翁授以論語明日悉成誦翁大異之俾盡讀家所有書遂淹貫經史百家言未弱冠謝去授徒齊門名士咸與交饒介居吳自號醉樵為作詩歌者甚衆行即席為賦次大喜疏薦之未及用富人沈萬三延之家塾每文成酬白金益計行輒慶去曰使富而可守則燃臍之慘不及矣洪武初有司延為學校師已謝去隱於石湖其二子役於京行往視之涼國公藍玉館於家數薦之太祖得召見後玉誅行父子亦坐死始吳中用兵所在多列砲石自固行私語所知曰兵法柔能制剛若植大竹於地繫布其端砲石至布隨之低昂則人不能害而砲石無所用矣後常遇春取平江果如其法行亦自負知兵以及於禍云按列朝詩集止仲往游都門人或尼之笑曰虎穴中好休息也涼國公延教其子孫止仲數以兵法進說涼國公大喜頗與商舉事卒用是敗止仲好從釋老游深契道行以為盡有所待不當以其法老有贈道

衍文二首在楮園集中

按蘇州府志洪武初延行為府學經師時訓導無常祿猶儒生衣巾弟子員多出綺紈易之以五經襍進問難行悉為論辨究極底蘊刪潤課節詳明乃吐舌曰王先生乃行書廚皮瀝篋以其該博而無滲漏也年老解任避跡石湖以經訓為常凡碑銘序記等文求者悉歸焉間為圖題其上旁通緝黃家學所著有楮園半軒二集及學言稿四六劄子通意宜資等書

孫作

按明外史本傳作字大雅江陰人為文醇正典雅動有據依嘗著書十二篇號東家子宋濂為作東家子傳元季挈家避兵於吳盡棄他物獨載書兩籠張士誠康祿之旋以母病謝去客松江衆為買田築室居焉洪武六年聘修大明日曆授翰林編修乞改太平府教授召為國子助教尋分教中都踰年還國學擢授司業歸卒於家

按江陰縣志作字大雅以字行故一字大知世以儒名自其曾大父激川先生四傳至作學益大門人弟子以清尚先生稱之而不名著書十二篇號東家子江西饒介之負才不輕與人獨喜其書曰勉成之會有識者至正兵起挈家三吳間盡棄他物唯載先世藏書兩籠篋而已太尉張士誠聞而康祿之卒以母病謝去久之衆為買田築室家於淞洪武癸丑朝廷議采天下士纂修日曆時學士宋濂與總裁求士於禮部尚書牛諒諒首以作對因薦入詔與編修越六月書奏例除翰林編修官以老病乞外授太平府學教授三年選天下學官內任作在行考春官廷對皆

第一除國子助教明年分教中都又明年陞國子司業前後八載皆儒官作氣宇凝靜似不能言而通亮過之與人交初若秋霜不可狎久如冬曦不忍去雖或以是非相煽惟自責終無忤色平生所得一出古人他人為文束於理則辭不暢肆於辭則理不直惟作折旋蟻封不失毫分下上峻坂如履康莊其東家子集左承周伯溫為之序而宋濂嘗為之傳

孫黃 黃貞

按明外史本傳黃字仲衍廣東順德人性警敏書無所不窺詩文援筆立就詞采爛然負節槩不忘交游元季避亂山澤間何真據嶺南開府辟士與王佐趙介李德黃哲並受禮遇稱五先生廖末忠南征黃為真草降表末忠辟典教事洪武三年始行科舉黃與其選授工部織染局使遷虹縣主簿兵燹後瘡痍未起黃勞徠安輯民多復業居一年召為翰林典籍為宋濂樂韶鳳管同輩所稱名籍甚與修洪武正韻九年遣監祀四川居久之出為平原主簿坐累逮繫俾築京師望都門城垣黃謔喻為粵聲主者以奏召見命誦所歌詩語皆忠愛乃釋之十五年起為蘇州經歷復坐累戍遼東已大治藍玉黨黃嘗為玉題畫遂論死臨刑作詩長謳而逝時門生黎貞亦戍遼東黃屍乃得收斂貞字彥晦新會人工詩文嘗為本邑訓導以事被誣戍遼陽十八年從游者甚衆放還卒黃所著有通鑑前編綱目孝經集善理學訓蒙及西菴集和陶集多佚不傳番禺趙純稱其究極天人性命之理為一時儒宗云

按名山藏文苑記黃避亂山澤與邑人王佐結詩社

於南園開抗風軒以延一時名士一時士如趙介李德黃哲別駕黃楚金徵士蔡養晦黃希貢長史黃希文架閣蒲子文進士黃原善趙安中安中弟通判澄徵士訥相與豪吟劇飲更唱迭和而黃與佐介德哲尤磊落狂斐稱五先生

按廣東通志貞字彥晦新會人少超穎曠達不羈從孫黃遊博通經史善屬文流輩莫及也好揚推古今多所獨得洪武初補郡庠生部使者舉為邑訓導不就退築釣臺曰此吾嚴陵瀨也八年辟明經至京以病不赴部試遂賦詩出都門一時名公咸重之後以事誣誤戍遼東十八年備嘗艱阻而意氣益增比放還聲稱藉甚學者多從之游間嘗自贊其像曰江湖勝覽渤海浪遊飄飄一葉浩蕩沉浮惟酒是務陶陶忘憂營彼力穡乃亦有秋不知老之將至樂夫天命死即休初貞在遼時孫黃亦以事戍遼後就戮貞解衣裹其屍殮如禮奉柩葬於安山為文哀之讀者墮淚自遠歸適薄暮仰視明月亟呼舟中餘酒登釣臺嘆曰風景無恙老子亦復歸來吟笑久之乃抵家其胷次灑落此類也卒年五十九所著有林坡集元史斷諸書陳獻章曰高山景行吾鄉先結黎林坡先生一人而已

王佐

按明外史孫黃傳佐字彥舉先河東人元末侍父官南雄經亂不能歸遂占籍南海與黃結詩社構辭敏捷佐不如黃句意沈著黃亦不如佐何真使佐掌書記參謀議李質在肇慶真恐其有異志遣佐質一人往說之自是修好不絕質愛士重文學士多歸之佐

還言於真遣使招致士以一藝名者真皆館穀之嶺南人文號極盛真歸朝佐亦還里洪武六年被薦徵為給事中太祖賜宋濂黃馬復為歌命侍臣屬和佐立成性不樂樞要將告歸時告者多獲重譴或尼之曰君少忍獨不虞性命耶佐乃遲徊二年卒乞骸歸

趙介

按明外史孫賁傳介字伯貞番禺人博通六籍及釋老書氣豪邁父母歿遂無仕進意行以囊自隨遇景賦詩投其中日往來西樵泉石間有司累薦皆辭免洪武二十二年坐累逮赴京卒於南昌舟次四子潔絢繹純皆善詩文工篆隸絢隱居不出有父風純仕御史

按廣東通志介字伯貞番禺人博通六籍佛老諸書悉究其奧氣宇豪邁與物無芥帶典至即揮毫賦詩人莫測其涯也父景元臨江治中與母連喪介孤憤閉戶讀書無復仕進意植二松於所居扁其軒曰臨清以淵明自擬蓋昭其志云南海文士李韓以薦起介力止之不可臨別介泣謂曰堯天雖長劉日實短子獨何心韓竟去後倅南康被累乃嘆曰趙伯貞真高士也介行常以囊自隨遇景即投詩其中絕不為人雷題獨與劉樂善輩相倡和日往還西樵泉石間有司屢薦皆辭免洪武己巳以累逮赴京道南昌卒於舟中介顏如渥丹丰度類神仙中人子潔絢繹純皆善詩文工篆隸時稱四懷絢隱居有父風所謂趙懷絮者後純賁贈介為監察御史有臨清集行世方孫賁王佐結詩社南園一時名士如李德黃哲暨別駕黃楚金徵士蔡養晦黃希文架閣蒲子文進士黃

原善趙安中安中之弟通判澄徵士訥更唱迭和文士宗之而介自成一家言與賁佐德哲並稱五先生云

李德

按明外史孫賁傳德字仲修番禺人洪武三年以明經薦授洛陽典史歷南陽西安二府幕官並能其職以年衰乞改漢陽教諭秩滿調義寧在粵西荒陋甚德為振舉文教漸興解官歸卒德初好為詩晚究洛閩之學謂誠意為古聖詰心要故嶺南人稱理學必曰李仲修云哲亦番禺人歷仕州郡以治行稱按廣東通志德字仲修番禺人夙負逸才博極羣書洪武庚戌以明尚書薦至京師授洛陽縣典史繼遷南陽西安二郡幕政暇遍覽帝王遺墟登高作賦發其胸中磊落之氣人爭傳誦嘗著論謂西安南陽皆天下大形勢所在建不拔之基者當擇而都之江東非其匹也士林避其識歷職郡邑十餘年年且暮乃自陳不能更願就教職得為湖廣漢陽教諭當兵革初靜養舍翳蓬蘿中生徒僅數十輩皆曠野德盡心訓迪之秩滿改任廣西義寧縣學其俗尤陋德立法孜孜勸諭使約束鄉黨不得為惡習俗日美科貢漸盛當道交薦之而德以倦游南歸卒於家德為詩多效長吉太白孫賁常笑之曰子真混元皇帝遠孫也德乃力追古作評者以為跨晉唐云少嘗自號采真子著論如子書晚更潛心伊洛嘗謂誠意為古聖哲心要故其詩有日意誠諸妄遺可以通天地又曰擊空非自然立異豈真賁竟舜與塗人其初本同一故世稱理學者必曰李仲修子乎亦能詩

按廣東通志哲字庸之番禺人世為著姓弱冠而孤刻苦讀書通五經嘗讀文選沉玩究竟遂能作詩造晉唐奧域性好山水結廬蒲瀾樓息其中往來羅浮峽山南華諸名勝自以為未足乃辭家度庾嶺過吳楚遊燕齊間一時湖海英豪皆與納交當風雪時泊舟秦淮過朱文昭詔穎輩握手吟味沽酒大噱二人唱曰君才如白雪吾雖知音如寡和何自是名益籍甚龍鳳中太祖駐師金陵招徠名儒丞相李善長參政張昶汪廣洋交薦之乙巳拜翰林待制入禁閣侍太子讀書輔導盡志太子愛重之鈔幣之賜無虛日丙午六月左丞相徐達伐擒元右丞相忻都應制賦詩稱旨未幾歲早上祈雨鍾山獲應御製七言詩志喜命哲廣之甚見褒重洪武初奉使青徐諭諸反側尋出知山東阿縣剖決如流案牘無滯且不事苛察一縣帖服值旱麥苗盡凋乃齋戒徒跣烈日中詣洪範池龍祠禱焉甘澍應祈民懽呼曰此黃公雨也浪溪有怪物作幻竊大啗之哲為文禱於天須臾風雷大作一青蛟斃水上人稱其誠感時經毛貴亂後民多流徙他鄉聞哲善政復其業者亡慮數千人戶口日滋辛亥四月遷東平府判東阿士民遮道涕泣攀留是歲黃河決梁山中國省發民疏復哲董東平之役經畫有方民不告勞有司欲復堰黃陵岡哲建議謂此乃前元覆轍可永戒不可為法事遂寢尋上疏陳時務數十事皆人所難言上怒其狂會山東分省奏哲捐俸修先聖祠築積水湖隄有成績上乃釋不問哲亦乞歸得允既南還有司請哲領郡校事橫經授徒四方至者多名士歲凡數百人乙卯四月復

徵還判東平後以事註謫竟寓於法郡邑人士爭聘之且家爲莫察哲始北上時倚蓬聽雪常自詫曰天下奇音妙韻出自然者莫是過也歸構一軒名聽雪蓬學者稱爲雪蓬先生

王蒙

按明外史本傳蒙字叔明湖州人趙孟頫之甥也敏於文不尚榮度工畫山水兼善人物少時賦官詞仁和俞友仁見之曰此唐人佳句也遂以妹妻焉元末官理問遇亂隱居黃鶴山自稱黃鶴山樵洪武初知泰安州事蒙嘗謁胡惟庸於私第與會稽郭傳僧知聰觀畫惟庸伏法蒙坐事被逮死獄中

郭傳

按明外史王蒙傳郭傳一名正傳字文遠洪武七年帝御武樓賜學士宋濂坐謂曰天下既定朕方垂意宿學之士卿知其人乎對曰會稽有郭傳者其學有淵源其文雄贍新麗其議論根據六經異才也既而濂持其文以進帝召見於謹身殿授翰林應奉直起居注遷兵部主事再遷考功監丞進監令出署湖廣布政司叅政

詹同

詹同

按明外史本傳同字同文初名書婺源人四世祖青從宋高宗南渡官殿前統制後脫尺籍齒編氓曰吾子孫當有以文學興者同幼穎異受易於甘楚材春秋於劉彭壽二人皆元季名士學由此大進學士虞集見之曰才子也以其弟榮子妻之至正中與茂才異等除郴州學正遇亂家黃州仕陳友諒爲翰林學士承旨兼御史太祖下武昌召爲國子博士易名同

時功臣子弟教習內府諸博士治一經不盡通同淹貫羣籍講易春秋最善應教爲文才思泉湧太祖善之遷考功郎中直起居注諭曰史貴直筆唐太宗命直書建成事以公天下予言行汝當直書俾後世徵實同再拜受旨洪武元年與侍御史文原吉起居注魏觀等循行天下訪求賢才還進翰林直學士稍遷侍讀學士帝御下峻御史中丞劉基曰古者公卿有罪盤水加劍詣請室自裁所以勵廉恥存國體也同侍側取戴記及賈誼疏以進因劄切言之帝嘗謂同聲色之害甚於鴆毒前代率以此敗亡創業垂統之君爲子孫所承式尤不可不謹同因舉成湯不邇聲色垂裕後昆以對其納誨多類此四年進吏部尚書

陶凱

按明外史本傳凱字中立臨海人博學善屬文尤工詩領至正鄉薦除永豐教諭不就歸洪武初以薦徵入同修元史書成授翰林應奉教習大本堂授楚王經三年七月擢禮部尚書與崔亮等雜采周官儀禮及漢唐宋制酌定諸禮儀以聞帝輒報可凱與亮同爲尚書各有敷奏若品官墳塋之制從凱言也初舉制科命凱定科舉式頒於天下明年會試以凱爲主考帝親策士命凱與楊調文充提調官取進士吳伯宗等百二十人得人之盛自此始其程文進御前凱序其首簡後遂爲定例帝嘗論凱曰事死如事生朕祖考升遐久不逮事生宜盡所以追遠之道凱以太廟已有常祀乃請於乾清宮之左別建奉先殿以奉神御從之帝以前代樂章多諛辭或未雅馴命凱與詹同等更製宴饗九奏樂章以進其稱旨長至日侍帝齋宮凱言皇帝升中於天國之大典羣臣宜有篇什以紀慶成遂命凱首唱諸臣俱和學士宋濂爲之序其後從駕巡行陪祀太學有所奏帝未嘗不稱善

章制作之事仍屬裁定爲承旨復與學士樂韶鳳定釋奠先師樂章又上言陛下渡江以來征討平定之蹟禮樂治道之詳雖有紀載尚未成書乞編日曆以傳後世帝從之命同與宋濂爲總裁官吳伯宗等爲纂修官踰年大明日曆成自起兵臨濠至洪武六年征伐次第禮樂刑政羣臣功過四夷朝貢之類共一百卷藏之金匱副在祕書監同等又言日曆祕天府人不得見請訪唐貞觀政要分輯聖政宣示天下帝從之同等乃分四十類自敬天至制蠻夷凡五卷名曰皇明寶訓嗣後凡有政蹟史官日記錄之隨類增入焉七年賜勅致仕語極褒美後復起承旨卒同以文章結主知應制占對靡弗敏贈帝嘗言文章宜明白顯易通達時務無取浮薄同所爲多稱旨而操行特耿介故至老眷注不衰福王時追贈禮部左

知

詔令封冊歌頌碑碣時時命凱屬草凱復言漢唐宋時皆有會要紀載時政今起居注雖設其諸司所領論旨及奏事簿籍宜依會要編類爲書庶可以垂法後世下臺省府者宜各置銅櫃藏之以備稽考俾無遺闕帝俱從之五年句容民獻嘉瓜同帶者二帝御武樓中書省臣率百官以進凱奏句容陛下祖鄉也聖德和同國家協慶故禎祥獨見於此帝曰草木之瑞比比而有卿歸德於朕朕何德以堪之賜其民錢遣之去凱尋出爲湖廣叅政召還國子祭酒復以晉王府右相致仕凱嘗自號耐久道人帝聞而惡之其在禮部時朝使往高麗王客誤用符驗後追坐論死

樂韶鳳

按明外史本傳韶鳳字舜儀全椒人博學能文章謁太祖於和陽從渡江叅軍事從下集慶授江南行省管勾洪武三年授起居注歷給事中中書左司員外郎兵部侍郎六年拜尚書與中書省御史臺都督府定教練軍士法改侍講學士與承旨詹同釐正釋奠先師樂章編集大明日曆七年帝以祭祀駕還應用樂舞前導命韶鳳等撰樂章因撰神降祥神凱惠酣酒色荒禽荒諸曲以進凡三十九章曰回鑾樂歌皆寓規諫禮部具樂舞圖以上命太常肄習之帝以舊韻出江左多失正者命與諸廷臣參考中原雅音正之書成名洪武正韻又命考陵寢朔望祭祀禮及登壇脫舄禮詳稽故實衷定其儀帝俱從之尋病免未幾起國子司業遷祭酒奉詔定皇太子與諸王往復書劄禮考據精詳屢被褒答十三年致仕歸以壽終弟暉禮毅皆知名暉開封知府禮太常卿毅諸暨同

欽定古今圖書集成理學彙編文學典

第九十三卷目錄

文學名家列傳八十一

明三

魏觀

陳樵

林弼

錢宰

趙宜生

任暉

季應祈

許繼

徐原

王茂

馬譽

李祁

顧敬

余仲敬

王廉

毛仲

傅匯

董紀

朱大中

劉子華

梁寅

周尚文

歐觀生

李習

任維平

潘廷堅

劉履

胡粹中

林溫

彭汝器

王文澤

衛仁近

丁相

俞日強

王立中

操琬

王琛

曹宗儒

呂復

劉儼

劉紹

林泉立

黃桀

于中

林茂

鄭毅

何子海

黃裳

彭通

秦約

張適

陳恭

殷奎

朱升

陳樞

聶鉉

熊鼎

張潔

詹鳳翔

葉瓚

吳從敬

韓言

王翰

許伯旅

朱夢炎

胡時

史遷

何淑

黎仲基

李衡

尚士行

滕克恭

張肅

黃裳

梁臨

馬名廣

楊性

張源湜

錢肅

趙訪

盧熊

張九韶

金固

黃季倫

饒俛

揭軌

李畊

徐觀道

周彌瞻

楊恭叔

郭濬

梁建中

金鉉

李延典

解開

邵亨貞

趙璧

凌雲翰

李叔允

劉醇

孫固

陽貞

許瑤

陶振

張士達

江仲海

吳毅

朱善

葉昭

陳觀

伍衡

曾旦初

涂幾

朱彥昌

胡讓

陳汝秩

俞深

王琦

劉璉

顧祿

鍾崧

王文靜

陸仁

厲光

楊守中

胡季安

成廷珪

黃勳

徐諒

程輅

黃肅

虞堪

趙友士

林廷綱

鄭雲

林岳

李鎬

王經

鄒矩

錢甦

鄭真

鍾耆德

劉琮玉

黃池

萬白

謝應芳

王明善

周之翰

林鳴善

李彥英

文學典第九十三卷

文學名家列傳八十一

明三

魏觀

按蒲城縣志觀字杞山讀書蒲首山中構亭曰梅初陶然賦詠以寄志焉元呂忠肅公誦其詩稱賞薦之朝辭弗就江漢既平明太祖徵聘諸賢觀與莆田劉基金華宋濂同謁上與語大奇之授平江州學正遷國子助教浙江提刑僉事吳元年改兩淮鹽運使入爲起居注一日偕待制王禕侍上問曰漢高祖唐太宗孰優對曰太宗雖才兼文武而於善未免矯揉高祖豁達大度規模弘遠以茲觀之高祖爲優上曰高祖之度人皆知之然其記兄嫂之怨封其子爲顯榮侯怨豐之叛不封雍齒不肯以豐爲湯沐邑其度亦未弘矣太宗規模雖不及高祖然能駕馭羣臣各爲己用及大業已定卒能保全功臣此則太宗爲優也洪武初建大本堂命觀侍皇太子說書暨授秦晉諸王經二年十月甲戌甘露降於乾清宮禁林上問災祥對曰帝王恩及於民澤被於物則甘露降陛下誕寬民賦衆庶惟豫底於教寧神應之臻職此故也十一月冬暖如春上召偕危素管同吳琳宋濂遊內苑錫燕紫閣命各賦一詩以述君臣同遊之盛觀以詩獻上覽之大悅親製文序其事三年正月轉太常卿錫之制曰太常之職掌郊廟社稷山川羣神厥任重矣爾觀學行方正事朕有年屢持憲節振揚風紀及領鹽課勞績茂彰頃居翰苑日記言動朝夕之間屢進謠言朕心嘉悅七月命觀改定太廟祝文是月簡

爲侍讀學士十二月辛酉編集大明志成以觀爲嘉議大夫國子祭酒宋濂爲司業四年廷試進士觀與孫吾與王僕爲讀卷官乃得吳伯宗等一百二十人是年九月坐考祀孔子禮稽緩乃謫觀知龍南濂知安遠未至邑即召還以爲禮部主事燕錫奉天門上喜曰前日逐卿去今日與卿飲何其樂哉乃命各賦一詩五年三月上念姑蘇經張士誠亂邦靡寧宇廷臣薦其往遂命出守既蒞事懲陳寧苛政勸舉樹良尊賢敬老率與學校舉鄉飲酒禮徵郡賢高啓王彝張羽闡文學周南老王行徐用誠與貢穎之定儀節郡多耆耄崑山周壽誼百有十歲吳縣楊茂九十三林文友九十二悉加賓禮躬餞諸鄉觀者如堵時戎事甫戢百物咸耗乃能力培風教封部皞然課績居最上特陞爲四川行省參知政事蘇父老上疏願畱命觀還郡七年觀以郡舊治爲士誠竊據且地多水患乃修府浚隄御史張度誣其典既滅之基遂與高啓等俱獲罪上悔之命所在沿江致祭皇太子諸王哀賻有加官會孫銘舉進士知溫州府銘之子曰顏曰頤曰頌咸舉鄉貢觀墓在新溪之燈窩山按吳中故語蘇州郡衙自來本在城之中心偕周稱國遂以爲官頗爲壯麗元有都水行司在胥門內乃遷衙居焉及士誠被俘悉縱煨燬爲瓦礫荒墟方版圖始收茲地高皇擇一守未愜蒲圻魏公觀方以國子祭酒致仕將歸上親宴餞於便殿得平蘇之報因酌酒留之曰蘇州新定煩卿往治蒲圻遂領蘇州時高太史季迪方以待郎引歸夜宿龍灣夢其父來書其掌作一魏字云此人慎勿與相見太史由是避匿

甫里絕不入城然蒲圻愛被殷勤竟遂棄瘞告爲忘形之交然未有驗蒲圻碩學夙充性尤仁厚貢臨之久大得民和因郡衙之隘乃按舊地而徙之正當僞宮之基初城中有一港曰錦帆渚云閻閭所鑿以游賞者久已堙塞蒲圻亦通之時右列方張乃爲飛言上聞云蒲圻復宮開渚心有異圖也時四海初定不能不開聖慮乃使一御史張度覘焉御史至郡則僞爲役人執搬運之勞雜事其中斧斤工畢擇吉構架蒲圻以酒親勞其下人予一杯御史獨謝不飲是日高太史爲上梁文御史還奏蒲圻與太史並死都市前工遂輟至今郡治猶仍都水之舊

李習

按太平府志習字伯羽自幼老成莊重治尚書旁通諸經攻性理之學負經濟才而志趣隱遁不事炫囂延祐初遊燕京館元明善尚書家禮爲上客四年領軍師鄉薦試運天儀賦士人不能措筆習能記其詳悉鋪叙爛然明年下第授書院山長乙未明太祖渡江至采石習奉逐駐蹕擢爲本府知府廉能恭謹精於治體年八十餘卒於官入鄉賢及門受業百餘陶安其著也習與弟翼齊名江左目爲二李吳萊謂伯羽之文簡密嚴奧一辭弗苟仲羽之文豐腴縹麗五采燦然貝瑀謂伯羽之尊嚴如雪峰千仞嶄然特峙人莫敢褻仲羽之溫粹如藍田美璞光輝外著天下共寶之習有裁漁小稿沙樵雜鈔鈔存惟橄欖集五卷行世

陳樵

按浙江通志樵字君采東陽人父取青慷慨負志節